

# **REFERAT MAA - Meeqqanut Atuarfeqarnermullu Ataatsimiititaq d. 10-03-2021**

**Mødedato** Onsdag d. 10. marts 2021 kl. 18:00

**Mødested** Kommunalbestyrelsesip ataatsimiittarfia

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalimut ilisimatitsissut - Peqqinneq susassaqtitsineq Kulturilu.....	7
Peace Corps-imik siunissami suleqateqarsinnaanermut ilisimatitsissut.....	10
Aalajangiiffigisassat.....	14
Suliat Aningaasaqarnermut Inuussutissarsiornermullu Ataatsimiititamut.....	15
Meeraaqqerivik Amaangajaaq, Tasiilaq, nakkutilliiffigiartorlugu pulaarneqarneranit ilisimatitsissut.	16
Taasariaqartut allat.....	19
Lukket.....	20
Imaqarniliap akuerineqarnera.....	21

## **Punkt 0: Saqqaa**

### **Ilaasortat**

Michael Rosing (AT - Attaaviitsoq), siulittaasoq.

Henrik Rachlev (IA)

Storm Ludvigsen (IA)

Uju Petersen (IA)

Thiiooq Knudsen (S)

### **Beslutning**

Ataatsimeeqataasut

Michael Rosing (AT)

Uju Petersen (IA)

Oqarasuaatsikkut

Storm Ludvigsen (IA)

Henrik Rachlev (IA)

Thiiooq Knudsen (S)

## **Punkt 1: Oqaluserisassat akuerineqarneri**

### **Beslutning**

Oqaluserisassat akuerineqarput.

## Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

### Beslutning

2a. Siulittaasup nalunaarutai:

- Ingerlatsiviup suliniut Kivitsisa atorlugu alimasissumik atuartitsineq ineriartortissallugu aallartippaa, taannalu nunaqarfinni pingasuni, tassa Kapisilinni, Arsummi aamma Qeqertarsuatsiaani ukiup aturfiusup tulliani ingerlanneqassaaq. Aamma 4-7. klassini (akullerni) tuluttut aamma matematikkimik atuartitsinerit ukkatarineqassapput. Suliniut kingorna nalilersorneqarumaarpoq.

2b. Ingerlatsivimmit nalunaarutit:

- Ingerlatsivimmi maajip ulluisa aallaqqaataanni stabschef atorfinissaaq. Taannaavorlu Charlotte Bech, tassa ullumikkut Meeqqanut Ilaqutariinnullu Ingerlatsivimmi stabschefiusoq.
- Aturfik Samuel Kleinschmidtimi (ASK) aturfup pisortaa soraarniuteqarpoq. Aturfup inuttaleneqarnissaata tungaanut USK-imi ilinniartitsisoq aturfup pisortarigallagaatut ingerlassaaq. USK-ip aamma ASK-ip akornanni qanimut suleqatigiinnissaq pisariaqartinneqarmat USK-imeersuunera pitsaaqutitaqarpoq, pissutigalugu aturfiit pineqartut marluk aturfissarsuaq naammassipat kattunniaramik. Atorfimmut inuttassarsiorneq suliarineqarpoq.

## **Punkt 3: Ilisimatitsissutit**

## **Punkt 03A: Kvartalimut ilisimatitsissut - Peqqinneq susasaqartitsineq Kultuurilu**

### **Beslutning**

Ilisimatitsissut tusaatissatut tiguneqarpoq

### **Bilag**

2020-mi kvartalit sisamaannut kvartalikkuaartumik ilisimatitsissutit katitneri.

# **Kvartalimut ilisimatitsissut - Peqqinneq susassaqtitsineq Kultuurilu**

4. Kvartal 2020

Ilisimatitsissut

J.nr. 55.00

Suliffeqarfimmu Kiffartuussivik – Kommunaldirektøri Lars Møller-Sørensen / LMS

## **Suliassamik eqikkaaneq**

Peqqinnermut Susassaqtitsinermullu Immikkoortortaqrarfiup 2020-mi kvartalit sisamaanni - oktobarimi, novembarimi decembarimilu - anguniakkat angusimasat katitersimalerpai.

## **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu

Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititamit ilisimatitsissut tusaatissatut tiguneqassasoq

## **Suliassamik saqqummiussineq**

Peqqinneq susassaqtitsinerlu pillugit 2020-mi kvartalit sisamaanni kvartalikkuaartumik ilisimatitsissut. Immikkoortortat illoqarfinnut ukununga agguagaapput: Nuuk, Paamiut, Tasiilaq Ittoqqortoormiillu, Sermersuumi Nipilersornermik Ilinniarfik Naluttarfillu Malik ilanngullugit.

- Tasiilami ThinkInuk suleqatigalugu inuusuttut imminut naleqartinermut tunngasumik pikkorissartinneqarput. Pikkorissartitsinermi imminut toquttarnermik pitsaaliuineq, imminut naleqartinneq, kinaassuseq, oqaluttuarisaaneq, pinngortitamik atuineq kiisalu kinguaassiutitigut nappaatit eqqartorneqarput.
- Illoqarfinni tamani decembarimi juullillu nalaani aqqissuussisoqarpoq, ilaatigut Tasiilami meeqqat juullimut poortugannapput, Paamiuni juullimut niuffatsitsisoqarluni Ittoqqortoormiini juullimut pissartanngorniutsitsisoqarluni.
- "Ullukinnerisiorneq", Kalaallit Nunaanni ullut naannersaat, kommunip illoqarfiini arlalinni aamma nalliuttorsiutigineqarpoq.
- Ittoqqortoormiini inersimasut umimmaat qiviuisa qanoq katersorneqartarnerannik ilinniartinneqarput.
- Nuummi U-8-10-12-inut assammik arsarnermik ilinniarfik.
- Inneruulani E-sporterneq.
- Kulusummi Nipilersornermik Ilinniarfimmi atuartut Nuummur tikeraarput ilaatigullu KNR-ip meeqqanut aallakaatitassiaani peqataallutik.
- Sermersuumi Nipilersornermik Ilinniarfiup juullimi inuulluaqqussutaa musikvideotut Kommuneqarfik Sermersuumi innuttaasunut nassiunneqarpoq.
- Naluttarfik Malimmi annaassiniarnissamut ikiueqqaarnermullu meeqqat paasisinnaasaannik pikkorissartitsisoqarpoq.
- Naluttartut klubbiat ukiaanerani atuannigfiup nalaani meeqqanut inuusuttunullu Malimmi aqqissuussivoq.

Kvartalimi sammisaqtitsinerit aqqissuussallu sinneruttut ilanngussaq 1-imi atuarsinnaavatit:

"Peqqinneq susassaqtitsinerlu pillugit 2020-mi kvartalit sisamaanni kvartalikkuaartumik ilisimatitsissutit katiternerit".

### *Aaqqiissutissatut siunnersuut – suliatigut naliliineq*

Peqqinnerup susassaqtitsinerullu kvartalini sisamani angusimasat naammagisimaarpai, taamaattoq innuttaasut pisariaqartitaannut Suleqatigiinnissamik isumaqatigiisummi anguniakkaniittunut naapertuutilerniassammata anguniakkanik ineriartortitsineq pitsanngorsaanerlu ingerlatiinnassavai.

### *Aningaasatigut sulisoqarnikkullu naliliinerit*

Soqanngilaq.

### *Inatsisitigut tunngavissaq allakkallu tunngaviusumik uppernarsaatitalit*

- Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq Inuuneritta II.
- Sammisassaqtitsinermi aamma kulturikkut anguniakkat pillugit MA-mut suleqatigiinnissamut isumaqatigiisummi anguniakkat.

### *Ingerlariaqqinnissaq*

Kvartalikkuaartumik nalilersuinerit ilisimatitsissutit Peqqinnerup susassaqtitsinerullu Meeqqanut Atuarfeqarnermullu Ataatsimiititamut ingerlaavartumik nassiuttarpai.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

### **Innuttaasunik peqataatitsineq/attaveqaqatigiinneq**

Soqanngilaq.

### **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. 2020-mi kvartalit sisamaannut kvartalikkuaartumik ilisimatitsissutit katiternerit.

## **Punkt 03B: Peace Corps-imik siunissami suleqateqarsinnaanermut ilisimatitsissut**

### **Beslutning**

Ilisimatitsissut tusaatissatut tiguneqarpoq

## **Peace Corps-imik siunissami suleqateqarsinnaanermut ilisimatitsissut**

Ilisimatitsissut

Sags ID: EMN-2021-00436

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Kommuneqarfik Sermersuup sulianut ingerlatsiviini tallimani pisortat Ilinniartitaanermut Aqutsisoqarfimmik ataatsimeeqateqarneq tunuliaqutigalugu amerikamiut ineriartortitsinikkut suliffeqarfiutaata amerikami naalagaaffeqatigiit naalakkersuisuisa ataaniittup tamatuminnгалу aningaasalersorneqartup Peace Corps-ip suleqatigilernissaanut periarfissat misissornissaannut qulaajarnissaannullu soqutiginnipput.

Suliffeqarfiup inuit kajumissutsiminnik suliaqartut qaffasissumillu ilinniarsimasut suleqatigiumannittunit ineriartortitsinermik suliniutinik assigiinngitsunik naammassinnikkusuttunit pissarsiarineqarsinnaanngortinnissaat siunertaraa.

Suleqatigiinnerup taassuma pilersinnissaanut amerikamiut kajumissutsiminnik suliaqartut Peace Corps-imeersut najukkamilu kajumissutsiminnik suliaqartut ineriartortitsinermik suliniutini peqataasut akunnerminni paaseqatigiinnerulernissaat anguniagaavoq.

Peace Corps-illi suleqatigilersinnaaneranut taassumunnga atatillugu massakkorpiaq Ilinniartitaanermut Naalakkersuisoqarfimmit, Ilinniartitaanermut Aqutsisoqarfimmit, amerikamiullu sinniisoqarfiannit sinniisut, Peace Corps-imit sinniisoq kiisalu Kommuneqarfik Sermersooq sinnerlugu sulianut ingerlatsivinni tallimani pisortat aallarniutaasumik, qulaajaaffiusumik kiisalu pituttugaanngitsumik ingerlatsipput.

Suliami suli aalajangiisoqanngilaq, suliamilu aalajangiisoqassappat tamanna akuerisassanngorlugu Kommunalbestyrelsemut saqqummiunneqassaaq.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Peace Corps suliffeqarfiuvoq attuumassuseqanngitsoq amerikamiut naalakkersuisuisa ataanniittoq, kajumissutsimikkut sulisut, pingaarnertut inuusuttut amerikamiut universitetini ilinniagaqarsimasut aqutigalugit naalakkersuisunik, atuarfinnik, NGO-nik, najugaqarfinnilu innuttaasunik suleqateqarluni ineriartortitsinermik suliniutinik, suleqatigiinnermi peqataasut piviusunngortikkusutaannik suliaqartartoq. Peace Corps 1962-imi pilersinneqarnerminiilli nunani 141-ni ineriartortitsinermik suliniutinik suliaqarsimavoq amerikamiullu kajumissutsiminnik sulisut 235.000-it sinnillit nassittarsimallugit.

Ineriartortitsinermik suliniutigisartakkat nalinginnaasut Peace Corps-imi kajumissutsiminnik sulisut peqataaffigisimasaat ilinniartitaanermut, inuusuttunik sammisaqarnermut, peqqissutsikkut, suliffeqarfinnut, paasissutissiisarnermi teknologimut, nunalerinermut avatangiisinullu suliassaqarfiit iluanniittarput. Ineriartortitsinermik suliniutit nalinginnaasumik qaammatinik 24-nik sivirususeqartarput, piffissalli tamatuma kingorna kajumissutsiminnik sulisut ataasiakkaat najugaqarnerminnik ineriartortitsinikkullu suliniummi peqataaffiginninnerminnik sivitsortitsiumallutik suliffeqarfimmut qinnuteqarsinnaapput.

Aappaatigut suleqatigiumannittunut inunnik piginnaasalinnik, piukkunnartunik ilinniagaqarluartunillu ineriartortitsinermik suliniutinut atatillugu inuttassarsititsinissaq ineriartortitsinermik suliniutini siunertaavoq. Amerikamiut kajumissutsiminnik suliqaartut suleqataasullu peqataasut ineriartortitsinermik suliniutini peqataaqatigiinnermikkut akunnerminni paaseqatigiinnerulerannik suleqatigiinneq kinguneqassasoq Peace Corps-ip neriuutigaa.

Kommuneqarfik Sermersuup sulianut ingerlatsiviini tallimani pisortattaq novembarip ulluisa 13-ianni Ilinniartitaanermut Aqutsisoqarfimmik qarasaasiakkut ataatsimeeqateqarneq tunuliaqutigalugu Peace Corps-ip suleqatiginissaanut soqutiginnilluarnertik ersersippaat. Kommuneqarfik Sermersuumi pisortat tallimat Peace Corps-ip suleqatiginissaanut soqutiginnilluarnerat decembarip ulluisa 15-ianni Ilinniartitaanermut Aqutsisoqarfiup, amerikamiut Kalaallit Nunaanni sinnisoqarfiata Peace Corps-imiillu sinniisup akornanni ataatsimiinnermi oqaluuserineqarpoq.

Peace Corps-ip tamanna tunuliaqutigalugu februaarip marsillu nalaanni COVID 19 ajoqutaassanngippat, Kommuneqarfik Sermersooq ilanngullugu kommuninut assigiinngitsunut pituttugaanngitsumik angalaarnissani pilersaarutigaa. Pituttugaanngitsumik angalanissami tassani kommunit suleqatigiissutiginerisigut pilersitseqatiginerisigullu aallarniutaasumik isumassarsioqatiginissaat, naatsorsuutigisanik inisseeqatiginissaat kommuninilu sorlarni Peace Corps-ip peqataanissaanik soqutiginnittoqarlunilu pisariaqartitsisoqarneranik nalileeqatiginissaat siunertaavoq. Kommunit angalaarnissamut taassumunnga atatillugu peqataanerminni kommunit illoqarfiini sorlarni Peace Corps-ip allanngueqataasinnaanera eqqarsaatigissavaat.

#### *Aaqqiissutissatut siunnersuut – suliatigut naliliineq*

Naak suliami naliliisoqanngikkaluartuq Meeqqanut Atuarfeqarnermullu Ingerlatsivik kajumissutsiminnik sulisut assersuutigalugu kulturikkut aaqqissuussinerni arlalinni peqataaffigisaannik, tuluttut ilinniartitsivigisaannik imaluunniit kommunit illoqarfiisa nunaqarfiisaluunniit ilaanni atuarfinni arlaatigut peqataaffigisaannik Peace Corps Suleqatigineqarsinnaasoq naliliivoq.

#### *Aningaasatigut sulisoqarnikkullu naliliinerit*

Aningaasaqarnikkut sulisoqarnikkullu naliliisoqanngilaq, kajumissutsiminilli sulisup Peace Corps-imeersup ineqarnermut aningaasartuutit, najugaqarneq imaluunniit sinittarfeqarneq kiisalu inuuniarnermut aningaasartuutissat nammineerluni akilersussammagut kajumissutsiminnik sulisunik Peace Corps-imeersunik suleqateqarneq annikitsuinnarmik aningaasartuutigineqassaaq.

#### *Inatsisitigut tunngavissaq allakkallu tunngaviusumik uppersaatitallit* Attuumassuteqanngilaq

#### *Ingerlariaqqinnissaq*

Peace Corps-ip siunissami suleqatigiinnermik pilersitsinissamut atatillugu angalaarnissaanik kajumissutsiminnik sulisut Peace Corps-imeersut ineriartortitsinermik suliniutinut peqataajartornissaasa tungaanut ingerlatsinissaq ukiunik arlalinnik sivisussuseqassasoq nalilerneqarpoq.

#### **Aningaasaqarnermut Allatseqarfimmit oqaaseqaatit** Pingaaruteqanngilaq.

#### **Innuttaasunik peqataatitsineq/attaveqaqatigiinneq** Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

**Ilannussat**  
Soqanngilaq

## **Punkt 4: Aalajangiiffigisassat**

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

## **Punkt 05A: Meeraaqqerivik Amaangajaaq, Tasiilaq, nakkutilliiffiartorlugu pulaarneqarneranit ilisimatitsissut**

### **Beslutning**

Inassuteqaat akuersissutigineqarpoq.

### **Bilag**

Pulaarnermi nalunaarussiaq

## **Meeraaqqerivik Amaangajaaq, Tasiilaq, nakkutilliffigiartorlugu pulaarneqarneranit ilisimatitsissut**

Ilisimatitsissut

Sags ID.: EMN-2021-00063

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Meeqqanut Atuarfeqarnermullu Ingerlatsivik novembarimi 2020-mi Tasiilami meeraaqqerivimmi Amaangajaaq nakkutilliffigiartorluni pulaarpoq.

Nakkutilliffigiartorluni pulaarnerup Inatsisartut inatsisaanni inatsisinilu allani ersersinneqartunik, perorsaanermi periutsit pillugit piumasarineqartunik malinnittoqarnissaanik, kommunalbestyrelsip ulluuneranilu paaqqinnittarfiup nammeneq anguniagaannik tunngaviinillu qulakkeerinninnissaq, kiisalu ingerlatsiviup meeraaqqeriviullu akornanni ataavartumik attaveqatigiittarnissap attanneqarnissaa.

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersumi §§ 2 aamma 16 naapertorlugit nakkutilliffigiartorneq tunngaveqarpoq.

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

### **Suliassamik saqqummiussineq**

Kommunalbestyrelse pisortatigoortumik aamma persuarsiornanngitsumik kommunip paaqqinnittarfiini tamani aamma namminersortunit pigineqartuni nakkutillissussaavoq. Meeqqanut Atuarfeqarnermullu Ingerlatsiviup novembarimi 2020-mi Tasiilami meeraaqqerivik Amaangajaaq nakkutilliffigiartorluni pulaarpaa.

Meeraaqqerivik Amaangajaaq 2019-imi decembarimi pilersinneqarpoq meeqqanullu 24-nut inissaqartitsilluni. Aqutsisua aamma Dr. Ingridip meeqqeriviani aqutsisuuvoq.

Nakkutilliffigiartorluni pulaarnermi meeraaqqeriviup perorsaaneq aqutsinermullu kiisalu isumannaatsuutitsinermut peqqissutsimullu tunngasuni inatsimmik malinnittoq paasineqarpoq. Meeraaqqerivik 2019-ip naalernerani pilersinneqartoq, taamaattorli aqutsisunit sulisunillu perorsaanermut pilersaarut suliarisimangilaat meeraaqqerivimmilu sulisunut perorsaataasumik timersorneq pillugu pikkorissaasoqarsimangilaq, soorlu aamma atuisunik katersuutsitsilluni eqimattaliorneq aallartinneqarsimanani. Aqutsisunit sulisunillu meeqqanut meeraaqqeriviup toqqissisimanartuutinneqarnissaanik pilersitsinissaq sallinneqarsimavoq.

Aqutsisoq peqquneqarpoq piaartumik ukiumut pilersaarutip suliarineqarnissaa pillugu, taamaalilluni taanna angajoqqaanit sulisunillu pissarsiarineqarsinnaasunngorlugu.

### **Aaqqiissutissatut siunnersuut – suliartigut naliliineq**

Meeraaqqerivik Amaangajaaq perorsaaneq aqutsinerlu pillugit inatsimmik malinnippoq.

Taamaattorli ukiup ataatsip qaangiunnerani ukiumut pilersaarusiortoqarsimanginnera akuerineqarsinnaangilaq. Taamaattumik aqutsisut peqquneqarput ukiumut pilersaarusiortoqullugit,

tungaviusumik pingaartitat anguniakkallu tassani allassinneqarlutillu tamanit takuneqarsinnaasunik. Kommunip nerisaqarnermut politikkaa najoqqutassatut atorineqassaaq aamma ukiup affakkaartumik angajoqqaat oqaloqatigineqartassapput.

Sulisut tamarmik atuuffiunik allaaserinnittoqassaaq, taamatut iliornikkut neriuutigineqarmat sulisut siunissami pigiinnarneqarnissaat.

Ingerlatsivimmit aqutsisutut atuuffik eqqumaffiginiarneqarpoq, tassunga meeqqeriviit marluk ataatsimik aqutsisoqarnerat ilumut pitsaanerpaajunersoq ilanngullugu. Ingerlatsivik isumaqarpoq meeraaqqeriviup immikkoortumi ataatsimik aqutsisoqarnera namminersorneruallaartoq. Aqutsineq pillugu immikkoortoq tulliani nakkutilliarternermi eqqartorneqaaqqissaaq.

***Aningaasatigut sulisoqarnikkullu naliliinerit***  
Aningaasatigut naliliisoqanngilaq.

***Inatsisitigut tungavissaq allakkallu tungaviusumik uppersaatitalit***

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.
- Meeqqerivinni kommuninit namminersortunillu pigineqartunit ingerlatsinissamut kommunimik isumaqatigiissuteqartunik kommunalbestyrelsip nalinginnaasumik perorsaanikkullu nakkutillinera pillugu Namminersorlutik Oqartussat nalunaarutaat nr. 35, 24. september 2020-meersoq.

***Ingerlariaqqinnissaq***

Ingerlatsivimmit tulliani nakkutilliarterni pulaarnissaq eqqartorlugu aallartinneqarpoq, kommunalbestyrelsip kommunimi paaqqinnittarfiit aamma paaqqinnittarfiit namminersortunit pigineqartut ingerlatsinermut isumaqatigiissuteqarfigineqartut nalinginnaasumik aamma perorsaanikkut nakkutigineqarnissaat pillugu nalunaarussiaq nutaaq malillugu taanna piniassamat. Tamanna naammasseriarpit tullissaanik persuarsiortuunngitsumik aamma pisortatigoortumik kommunimi paaqqinnittarfiit tamarmik nakkutilliffiartornissaat ullulerneqassaaq.

Ingerlatsivimmit meeraaqqerivimmit naammassineqanngitsut tulliani nakkutilliarturnginnermi malitseqartinneqassapput.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq.

**Ilanngussat**

1. Pulaarnermi nalunaarussiaq

## Punkt 6: Taasariaqartut allat

### Beslutning

Henrik Raclev (IA)

Paamiuni atuarfik, atuarfiup nutarterlugu aallartissimanera assut nuannerpoq. Ilinniartitsisut atuartullu ingerlalluarpasipput. Tusalaarusunnarporli nakkutilliiartorluni orniguttoqarsinnaanersoq, tassami ingerlalluarmat malinnaatinneqarnissaq pitsaassaaq.

Ittoqqortoormiini silami naluttarfeeraliortoqarpoq, aamma Paamiuni peqalernissaa pitsaassagalarpoq. Taamaammat eqqarsaatigaara Paamiuni Najukkami Ataatsimiititaliamit tamanna eqqarsaatigineqarsimanersoq. Suleqatigiissimanitsinnut qujanaq, tamatta akornatsinni suleqatigiilluarsimaqaagut. Qujanarujussuaq.

Thiiooq Knudsen (S)

Atuarfimmut tunngatillugu, atuarfik nutarterlugu aallartinneqarsimasoq nuannerpoq, atuarfimmut nakkutilliiartortoqarnissaanut Henriup kissaataanut isumaqataavunga.

Atuarfiup eqqaani pinnguartarfiliortoqarnissaa kissaatiginarpoq, pitsaassaqaq pissutsinut naleqqussarsimasumik ullutsinnullu naleqquttumik sanasoqarsinnaaguni.

Danmarkimut Arsummullu angalanikuunitsinnut qujanaq, misigisavut nuannerput innuttaasunillu ataatsimeeqateqarlualuta.

Pitsaanerpaamik kissaappassi tamassilu suleqatigiilluarsimanitsinnut qujanaq. Naak assigiinngissuteqaralualuta alloriartarpugut, taamaammat Inuit Ataqtigii, attaviitsoq aamma atorfilittat qujaffigerusuppakka, suleqatigiissimanermut qujanaq iluatsilluarisilu.

Michael Rosing (AT)

Ataatsimiititami suleqatigiinnermut, atorfilittanut minnerunngitsumillu oqalutsinut qujanaq. Siunissami iluatsitsilluassamaarisitoq.

## **Punkt 7: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 14:30